

**Tesourería****EXPEDIENTE.** - 2020/G003/000881**PROCEDIMIENTO.** - Tramitación de Decretos**RESOLUCIÓN****Asunto:** FLEXIBILIZACIÓN FISCAL AOS CONTRIBUÍNTES DO CONCELLO DE ARTEIXO PARA PALIAR AS CONSECUENCIAS ECONÓMICAS DA PANDEMIA DO COVID-19.-Na Casa do Concello de Arteixo (A Coruña), o Alcalde-Presidente, D. Carlos Calvelo Martínez, ante min, Secretaria Xeral, dicta a presente **RESOLUCIÓN:**

Con data de 14/03/2020 publicouse no BOE o **Real Decreto 463/2020, de 14 de marzo, polo que se declara o estado de alarma en todo o territorio nacional por un prazo de quince días naturais** para a xestión da situación de crise sanitaria ocasionada polo COVID-19 motivado pola elevación da OMS da situación de emerxencia de saúde pública orixinada polo COVID-19, a pandemia internacional que require a adopción de medidas inmediatas e eficaces para facer fronte a esta coxuntura.

Dito RD 463/2020 establece, na D.A. 3ª.3, que sí sigue vixente e non afectada pola modificación operada por RD 465/2020, que o **órgano competente poderá acordar, mediante resolución motivada, as medidas de ordenación e instrucción estritamente necesarias para evitar perjuicios graves nos dereitos e intereses do interesado no procedemento e sempre que éste manifeste a súa conformidade, ou cando o interesado manifeste a súa conformidade con que non se suspenda o prazo.**

O 18/03/2020 o BOE publicaba o **Real Decreto-lei 8/2020**, de 17 de marzo, polo que se adoptan medidas urxentes extraordinarias para facer fronte ao impacto económico do COVID-19 e que entrou en vigor ese mesmo día.

Este RD-lei ten por obxecto que as medidas de contención aprobadas, e que conlevan medidas negativas na economía española, supoñan que estos efectos negativos sexan transitorios e evitar, en última instancia, que se produza un impacto máis permanente ou estrutural. De acordo coa súa exposición de motivos: *"es preciso adoptar medidas que proporcionen la necesaria flexibilidad para el ajuste temporal de las empresas con el fin de favorecer el mantenimiento del empleo y reforzar la protección de los trabajadores directamente afectados. En las próximas semanas muchas empresas se van a enfrentar a importantes tensiones de liquidez derivadas de una caída de sus ventas, procedentes tanto de una menor demanda como de la interrupción de la producción, por ejemplo, por falta de suministros o por rescisión de determinados contratos. Se hace por tanto indispensable adoptar determinadas medidas para reforzar la liquidez del tejido productivo y evitar la salida del mercado de empresas solventes afectadas negativamente por esta situación transitoria y excepcional"*.

Por todo eso, o Concello de Arteixo, no ámbito das súas competencias en materia fiscal e tributaria, ten a firme vontade de adoptar as medidas que axuden a paliar as consecuencias económicas da pandemia do COVID-19, para responder ao impacto económico negativo que se está a producir.

Nestas circunstancias, resulta obrigada a adopción destas medidas extraordinarias de flexibilización fiscal, cuia xestión e recadación non está delegada na Deputación Provincial, sendo prioridade principal minimizar o impacto fiscal, facilitando con elo que a normalidade se recupere tan pronto como a situación sanitaria mellore.

Visto o informe proposta da Tesourería Municipal con CVD BD9RbZsZJtT/ug37+vAF.

As actuacións a levar a cabo con carácter excepcional e urxente e para o exercizo 2020, son as seguintes, sobre as que veño a dictar a presente **RESOLUCION**:

**PRIMEIRO.- Aprobar a seguinte relación de medidas extraordinarias de flexibilización fiscal, como consecuencia da declaración do estado de alarma polo Real Decreto 463/2020, de 14 de marzo:**

**Primeiro.- Ata que pase o estado de alarma, non se porán ao cobro novos padróns de notificación colectiva relativos ás taxas de auga, saneamento e depuración nen taxas pola recollida de lixo.**

**Segundo.- Ata despois do 30 de abril:**

- Non se ditarán providencias de prema
- Non se practicarán notificacións
- Non se aprobarán liquidacións

**Terceiro. Suspéndese a tramitación de expedientes de aprazamento e fraccionamento. Abriránse expedientes coas solicitudes que se presenten, suspenderánse os valores e prepararánse, no seu caso, os requerimentos de documentación. Non se realizarán propostas ata despois do 30 de abril.-**

**Cuarto. Non se cargarán en conta as ordes de domiciliación dos aprazamentos e fraccionamentos concedidos xa, con vencemento inicial do 20.04.2020, ata o 30.04.2020.**

**Quinto. Para os procedementos iniciados con anterioridade á entrada en vigor do Real Decreto Lei 8/2020, é dicir, iniciados con anterioridade ao 18 de marzo de 2020, suspenderáse o cómputo do prazo de duración dos mesmos dende o 18 de marzo ata o 30 de abril.**

**Sexto. Ampliar ata o 30 de abril os seguintes prazos de pago con vencemento anterior a dita data sempre e cando non tivesen rematado o 18 de marzo de 2020:**

- Os prazos de pago en período voluntario de débedas tributarias por liquidacións.
- Os prazos de pago resultado de acordos de aprazamentos ou fraccionamentos. A devolución destes prazos non suporá o cancelamento do expediente, toda vez que os prazos e fraccións concedidos están ampliados ata o 30/04/2020.

**Sétimo. A ampliación automática ata o 20/05/2020 dos prazos abertos a partir do 18 de marzo de 2020, salvo que o outorgado pola norma xeral sexa maior, en cuio caso será este o de aplicación.**

En concreto, se amplían os seguintes prazos:

1. Os prazos para o pago de débeda tributaria en periodo voluntario por liquidacións
2. Os vencimientos das fraccións dos acordos de aprazamentos e fraccionamentos concedidos.

**Octavo. Se suspende o prazo para a presentación de declaracións do Imposto sobre o Incremento do Valor dos Terreos de Natureza Urbana (plusvalía) mentras esté en vigor o estado de alarma e as súas prórrogas, de conformidade coa DA 3<sup>a</sup>.3 do RD 463/2020 e para evitar perxuízos graves nos dereitos e intereses dos cidadáns.**

Os prazos para presentación das restantes declaracións así como as autoliquidacións tributarias non se ven afectados pola suspensión de prazos.

**Noveno. O período comprendido entre o 18 de marzo e o 30 de abril de 2020 non computará a efectos de caducidade e de prazos de prescripción (artigo 66 da Lei 58/2003, Xeral Tributaria)**

**Decimo. Os prazos para atender requerimentos, alegacións, solicitudes de información con transcendencia tributaria, e para formular alegacións ante actos de apertura de dito trámite ou de audiencia, dictados en procedementos de aplicación dos tributos, sancionadores ou de declaración de nulidade, devolución de ingresos indebidos, rectificación de erros materiais e de revocación, abertos con anterioridade a 18 de marzo e que non estiveran concluídos ao 18 de marzo de 2020, ampliáanse ata o 30 de abril.**

**Para aqueles casos en que estes prazos fóran comunicados con posterioridade ao 18 de marzo, quedarán ampliados ata o 20 de maio.**

**Undecimo. En todo caso, si se atenden os requerimentos, as solicitudes de información ou si se presentan alegacións antes da finalización da ampliación do prazo se da por cumprido o trámite a todos os efectos.**

**Duodécimo.** Durante o período de inactividade derivado da declaración do estado de alarma, e nos casos que así se xustifique, as taxas ou prezos públicos establecidos polo Concello pola utilización privativa ou o aproveitamiento especial do dominio público local, así como pola prestación de servizos públicos ou a realización de actividades administrativas de competencia local deberán ser reducidas proporcionalmente.

**Decimotercero.** No ámbito das competencias desta entidade local, aos efectos dos aprazamentos aos que se refire artigo 65 da Lei 58/2003, Xeral Tributaria **concederase o aprazamento do ingreso da débeda tributaria correspondente a todas aquelas liquidacións, declaracións-liquidacións ou autoliquidacións asistidas cuio prazo de ingreso finalice dende o 13/03/2020 ata o día 30/05/2020, ambos inclusive**, sempre que as solicitudes presentadas ata esa data sexan por débedas inferiores a 6.000,00€, establecidos na normativa municipal de aprazamentos e fraccionamentos, como exentas de constituir garantía que afiance o cumprimento da obriga.

1. As condicións do aprazamento serán as seguintes:

- a) O prazo será de seis meses.
- b) Non se devengarán xuros de mora durante os primeiros tres meses do aprazamento.

Todo elo sen perxuízo da adopción doutras medidas en función da prórroga do estado de alarma e demais normativa que se aprobe posteriormente.

En Arteixo, asinado dixitalmente polo Sr. Alcalde-Presidente, do que eu, D<sup>a</sup> Ana Ramos Ramos, como Secretaria Xeral, dou fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro).